


漢書門			
一三〇八	二〇八	〇七〇	一六〇
類	號	函	架


內閣文庫			
漢書	一三〇八	一六〇	二〇八
類	號	冊	函

內閣文庫	
番號	漢 12608
冊數	160 ( 48)
函號	300 211

四十七







重校聖濟總錄卷四十七

震澤汪鳴珂瑤圃全弟鳴鳳蘭圃校

程 助懋哉校訂

胃病門

胃虛冷 胃實熱 食亦 胃反 噦

噫醋 胃寒腸熱 胃熱腸寒

胃虛冷

論曰足陽明胃之經與足太陰為表裏其氣喜溫而惡寒得溫則能變化水穀若其氣不足寒冷之

氣乘之則令人脛寒不得眠臥惡風洒洒目急腹  
中常痛兩脇虛脹善鳴時寒時熱唇口乾燥面目  
浮腫飲食不下皆胃虛冷故也

礪砂丸方 治胃氣虛冷不思飲食

礪砂 研

青鹽 研三兩

附子 炮去皮臍

桂心

胡椒

乾薑 炮

當歸 焙

川芎

甘草 炙

砂

仁 紫朴 薑汁炙

陳皮 浸去白

五味子 兩半

阿

魏 研五錢 白朮 三兩

右除別研外擣羅爲末入好白酒一升白蜜十

兩入砂鍋內火煎先下阿魏礪砂青鹽三味又  
入白麩一兩同煮稀稠成糊入藥末擣丸如梧  
桐子大空心薑鹽湯下二三十丸

丁香丸方 治胃氣虛冷腹脹食少四肢無力

丁香 乾薑 炮

檳榔 剉

吳茱萸 洗焙

五

味子 炒

訶梨勒 煨取皮

紫朴 薑汁炙

青皮 浸

去

白焙 木香 一分

桃仁 去皮尖雙

仁炒一兩

右擣羅爲末煮棗肉擣丸如梧桐子大陳皮湯  
下一二十丸不拘時

沉香湯方 治胃氣虛冷不思飲食及冷氣攻腹  
脇痛四肢少力口吐酸水吃食無味

沉香判 青皮浸去白焙 白豆蔻去皮一兩 高良薑五錢

紫朴薑汁炒 吳茱萸洗炒 桂心 檳榔判三分

右麤擣篩薑水煎三錢溫服不計時

厚朴丸方 治胃氣虛冷四肢少力不思食

紫朴薑汁炙 附子炮去皮臍 陳皮浸去白焙 乾薑炮 甘

草炙 白茯苓去黑皮 訶梨勒去核 桂心一兩

右擣羅為末鍊蜜丸如梧桐子大米飲下二十

丸

烏頭湯方 治胃氣虛冷不思飲食脇肋脹滿胸

膈不快臟腑不利煖胃氣進飲食

烏頭炮去皮臍 益智仁炒三兩 山芋二兩 陳粟米五兩

木香 訶梨勒煨五錢 青皮浸去白焙 白鹽炒一兩

右麤擣篩水煎三錢食前溫服日二

厚朴丸方 治胃氣虛冷臍腹痛或滑泄下利不

思食

紫朴薑汁炙 附子炮去皮臍 白朮剉一兩 乾薑炮二兩 訶

梨勒煨三分

右擣羅爲末醋煮麩糊和丸如梧桐子大空心食前米飲下二三十丸

順氣湯方 治胃氣虛冷腹脇脹滿不思食痰逆

紫朴薑汁炙 陳皮浸去白焙 白朮剉 半夏爲末薑汁製作

餅甘草炙 乾薑炮一兩

右麤擣篩入生薑三片大棗一枚水煎三錢服不計時

訶梨勒湯方 治胃氣虛冷腹脹減食

訶梨勒五枚去核 大腹皮剉五枚 人參 白朮 甘

草炙五錢 草豆蔻去皮十枚

右麤擣篩入薑棗少許水煎三錢食前服

葶撥丸方 治胃氣虛冷大便滑洩臍腹多痛

葶撥 附子炮去皮臍 白朮剉 肉豆蔻 高良

薑 訶梨勒煨去核 砂仁 胡椒 桂心一兩

右擣羅爲末鍊蜜丸如梧桐子大空心食前米飲下二十九

補胃煎散方 治胃中虛冷惡寒洒洒臥而不寐

細辛

去苗葉  
兩半

人參

川芎

剉

栝子仁

一兩

炙甘草

吳茱萸

漿水浸一宿新  
水淘焙炒三分

桂心

防

風

去  
義

陳皮

浸去白  
焙五錢

右擣羅爲散水煎二錢通口服

丁香湯方

治胃中虛冷霍亂吐瀉煩熱發渴或

下利赤白

丁香皮

剉二兩

甘草

炙一兩

白朮

剉四兩

乾薑

炮五錢

草豆蔻

去皮  
五枚

枇杷葉

二七片拭  
去毛炙

右麤擣篩入薑三片水煎三錢食前稍熱服

厚朴湯方

治胃虛冷嘔逆

紫朴

薑汁炙  
一兩

桂皮

白朮

三分

丁香

桃仁

去皮尖雙  
仁炒五錢

右麤擣篩薑水煎三錢入醋數滴空心服

丁香湯方

治胃寒胸膈虛滿面目浮腫飲食不

化

丁香

藿香葉

附子

炮去皮  
臍一分

乾薑

炮半  
分

石剉碎用水一升煎五合去滓徐徐呷盡

新法半夏煮散方

舊名湯

治胃虛痰飲酒癖忪悸

動氣心下痞滿嘔逆吞酸背寒中冷身體寒戰  
心痛注痛不思飲食腹內虛鳴便溏滑利胃氣  
虛弱心下有冷痰者最宜服之

生薑

切片鹽淹一宿  
焙乾十二兩

甘草

八兩

陳麴

炒香二  
十四兩

半夏麴

炒兩

草豆蔻

去皮

陳皮

去白炒

丁香

二兩

右擣羅為散水煎三錢入鹽少許沸湯點服不  
計時

參附湯方

治胃虛冷不思食

人參

附子

炮去皮臍

白朮

丁香

半夏

洗焙

陳皮

去白焙

草豆蔻

去皮

桂心

枳殼

去瓢炒一兩

乾薑

炮三分

甘草

炙分半

右剉如麻豆入薑二片水煎三錢去滓溫服

溫胃煮散方

治胃虛冷中脘氣滿不能傳化善

飢不食

人參末

二錢

附子末

生五分

生薑

一分擣

右和勻用水煎雞子清一枚入末和空心頓服

茯苓湯方

治胃虛冷不思食痰逆多吐



白茯苓

去黑皮

半夏

洗焙

人參

白朮

一兩

陳

皮

浸去白焙

紫朴

去粗皮薑汁炒兩半

桂心

三錢

丁香

木

香

檳榔

剉

枳殼

去瓢麩炒五錢

草豆蔻

去皮炒二兩

右剉如麻豆入薑棗少許水煎三錢去滓空心服

服

丁香湯方

治胃冷嘔逆氣厥不通

母丁香

三粒研

陳皮

去白炒一枚

右用水煎去滓空心熱呷日二

草豆蔻湯方

治胃虛冷嘔逆

草豆蔻

去殼炒兩半

附子

炮去皮臍

桂心

生薑

三分

丁香

炙甘草

五錢

右細剉入大棗一枚水煎五錢去滓空心服二

胃實熱

論曰胃氣盛實則壅塞不宣蘊積生熱令人口乾煩渴面目悉黃譫妄狂越身熱多汗腹脇堅滿大便秘難皆其證也

赤芍湯方 治胃氣實熱唇口焦乾引飲不止

赤芍藥

生地

焙一兩

甘草

炙

大黃

炒五錢

右麤擣篩水煎三錢去滓溫服日二

黃芩湯方 治胃氣實熱口舌乾燥頭痛煩渴

片芩去黑心 柴胡去苗 石膏二兩 甘草炙五錢 赤

芍藥 葛根剉三分 竹葉二十片

右麤擣篩水煎三錢去滓服不拘時

黃連丸方 治胃氣實熱煩躁多渴

川連去鬚 赤茯苓去黑皮 麥門冬去心焙 苦

參五錢

右擣羅爲末鍊蜜丸如梧桐子大煎竹葉湯空

心下二十九日二

黃芩湯方 治胃氣實熱寒熱頭痛如瘡狀唇口

乾燥

片芩去黑心 犀角鎊 山梔仁 赤茯苓去黑皮

射干一兩 大黃炒五錢

右麤擣篩水煎五錢去渣入生地汁半合蜜一

匙再沸食後溫服

地骨皮湯方 治胃氣實熱唇口乾燥頭昏體倦

五心煩熱

地骨皮二兩

防風去

甘草炙一兩

右麤搗篩水煎三錢食後溫服日二

犀角飲方 治胃氣實熱嘔噦吐逆不食頭痛煩

渴

犀角剉末

麥門冬去心焙

葛根剉

枇杷葉去毛

炙一兩

右麤搗篩水煎三錢服不拘時

黃連丸方 治胃實熱氣盛消穀善飢頭目昏痛

衄血煩渴

川連去鬚

麥門冬去心焙

知母焙

茯神去木

栝樓根二兩

右搗羅爲末鍊蜜丸如梧桐子大米飲下三十

丸不拘時

葛根湯方 治胃實熱煩渴咽乾吐逆

葛根十兩剉

川連去鬚一兩

半夏生薑汁半盞漿水半升同煮軟切焙

乾二兩

甘草炙三兩

山梔一兩

右麤搗篩每服薑水煎三錢入竹茹少許去滓

服不拘時

前胡湯方 治胃實熱乾嘔煩悶目黃躁渴

前胡去蘆頭兩半 麥門冬去心焙 甘草炙一兩 片苓去黑

心五錢 茅根剉二兩

右麤擣篩水煎三錢去滓服不拘時

升麻湯方 治胃實熱

升麻剉 梔子仁 赤茯苓去黑皮 射干三兩

白朮五兩 白芍藥四兩

右咬咀如麻豆大水煎五錢入地黃汁一合蜜

一匙更煎沸去滓溫服

薑蜜飲方 治胃實熱吐逆心煩不下食

生薑五錢取汁 白蜜一合 糯米半合淘研

右和勻入新汲水一盞調開分二服不拘時

地黃飲方 治胃氣實盛壅澀不宣蘊積為熱口

乾煩渴

生地汁 生薑汁 生藕汁 生蜜各二合

右和勻分三服不拘時

茯苓飲方 治胃府實熱發渴飲水不止

茯苓去木一兩 知母焙 萎蕤二兩 麥門冬去心焙

栝樓根 三兩

右麤擣篩水煎五錢入小麥一合淡竹葉一合

生地汁半分棗三枚同煎去滓溫呷

通熱湯方 治胃氣實熱苦頭痛汗不出口乾燥

人參 二兩 白茯苓 去黑皮 柴胡 去苗 葛根 剉

麻黃 去根節 五加皮 剉 片苓 去黑心 石膏 五錢

三兩 甘草 炙一分

右麤擣篩入薑三片水煎三錢去滓溫服

食亦

論曰內經云大腸移熱于胃善食而瘦亦謂之食亦胃移熱於膽亦曰食亦夫胃為水穀之海所以化氣味而為榮衛者也胃氣和則食飲有節氣血盛而膚革充盈若乃胃受邪熱消爍穀氣不能變精血故善食而瘦也病名食亦言雖能食亦若飢也胃移熱於膽亦曰食亦以膽為陽木熱氣乘之則爍土而消穀也

參苓丸方 治胃中結熱消穀善食不生飢肉

人參 赤茯苓 去黑皮 菖蒲 遠志 去心 牛膝

酒浸 地骨皮二兩

右為細末鍊蜜丸如梧桐子大每服米飲下二十九日二不拘時

龍膽湯方 治胃熱善食而瘦

龍膽 川連去鬚 人參 木通判 麥門冬

去心 柴胡去苗 陳皮去白 片苓五錢去黑心

右麤擣篩水煎三錢去滓食後服日三

甘露飲方 治胃熱善食不生肌

生地焙 熟地焙 天門冬去心 麥門冬去心

片苓去黑心 石斛去根 枇杷葉去毛 甘草炙

枳殼去瓢 茵陳蒿一兩

右麤擣篩水煎三錢去滓食後溫服日二

沉香湯方 治胃熱消穀善飢食不為肌膚

沉香 人參 麥門冬去心 生地焙 小草

甘草炙 地骨皮一兩

右麤擣篩水煎五錢去滓溫服日三不拘時

升麻湯方 治胃熱消穀善飢不生肌肉病名食

亦

升麻 山梔仁 射干 赤茯苓去黑皮 白

木五兩 白芍藥四兩 生地汁 白蜜各一

右咬咀如麻豆水煎五錢去滓入汁蜜數沸溫

服老少以意加減

地黃湯方 治胃熱善食而瘦名曰食亦

生地黃 麥門冬去心 栝樓根三兩 片苓去

心枳殼去瓢 炙甘草一兩 山梔仁二兩

右麤擣篩水煎五錢去滓空心溫服日二

胃反

論曰脾與胃合主腐熟水穀今脾胃氣虛水穀不

化與停飲相擊胃中虛脹其氣逆上食久反出故

名胃反其候朝食暮吐暮食朝吐寒熱時作心下

痞結狀如覆杯

生薑散方 治胃反吐逆不止心膈不利飲食減

少

生薑切片炒 陳皮浸去 甘草炒二 蓬莪茂炒

兩

右擣羅為散沸湯點鹽空心下一錢日二

人參湯方 治胃反食下便吐

人參 澤瀉 甘草 炙 大黃 炒 桂心 二兩

赤茯苓 去黑皮 四兩 竹茹 三兩 陳皮 浸去白炒 乾薑 一兩

兩

右麤擣篩水煎五錢去滓溫服日二

藿香丸方 治胃反吐逆虛氣上攻心腹疼痛多

吐酸水

藿香葉 木香 兩 半夏 浸去滑 二兩 白朮 陳土 炒 一兩

兩 葦澄茄 紅豆蔻 去皮 五錢 丁香 檳榔 剉 三

右擣羅爲末酒煮麩糊和丸如梧桐子大陳皮

湯下二十九不拘時

鎮脾散方 治胃反惡心粥藥不下

丁香 三分 京三稜 兩 半

右擣羅爲散沸湯空心下一錢不拘時

丹砂丸方 治胃反吐食日久不止大腸燥結

丹砂 研 鉛丹 研 陳皮 去白 炒 五錢 半夏 洗去滑 焙

紫朴 薑汁 炙 陳麴 焙 大麥蘖 炒 代赭 煨 一兩

皂莢 去皮子 炙 黃 五錢



右擣羅爲末和勻稀糊丸如梧桐子大空心臥時溫酒下二十九米飲亦得

鉛丹丸方 治胃反嘔吐噦逆

黑鉛

四兩化汁入紙灰以柳木椎研成粉羅過二兩

右研極細用米醋二升熬成膏入蒸餅少許擣令熟丸如赤小豆大薑湯下十九米飲亦可不拘時

木香湯方 治胃反不納飲食開胃和氣

木香

一分

糯米

撮

胡椒

二十粒

右同炒米熟研末分五服水煎去滓溫服

蒼朮湯方 治胃反膈氣不下食

蒼朮

或白朮遇日西時水微拌濕晒乾紙包掛通風處

右一味凡患者水煎一撮空心服之即時便下

木香湯方 治胃反不下食

木香

錢五

胡椒

良薑炒一分

甘草

炙一兩

蓬莪

茂

炮二兩

右麤擣篩水煎三錢去滓食前溫服

葶撥丸方 治反胃吐酸水胸壅悶

葶撥 木香 枳殼去瓢 麩炒 大黃炒 檳榔煨

乾薑炮五錢 訶梨勒煨去核 人參 白茯苓去黑皮

砂仁三分

右擣羅為末鍊蜜丸如梧桐子大薑湯下二十丸

石亭脂丸方 治多年反胃不止

石亭脂 紫貝鉛二兩 鹽滷五兩

右將鉛旋燒鉛煎滷中汁滓盡將鉛與亭脂攪勻炒之或焰起即將銚子水上焰止俟勻熟水

浸炊餅丸如梧桐子大煎石蓮乾棗乾柿乾薑湯下二十九

礬丹丸方 治胃虛氣逆食已反出

白礬 鉛丹二兩 石亭脂五錢生研後入

右先以礬丹和研入鍋內用炭十斤煨通赤為度駐少火更養一夜出火毒細研乃入亭脂同研以粟米飲丸如棗豆大每日米飲下十五丸

礬石丸方 治胃虛脹其氣上逆食已反出

白礬十兩燒汁盡

右研如麪研飯丸如梧桐子大空心米飲下十五丸

田季散方 治久患翻胃及小兒驚吐諸吐

硫黃五錢 水銀一錢五分  
研與黃再研

右同研如黑煤色入生薑四兩取汁用酒一鍾和藥三錢空心服之以衣被蓋覆當自足指間汗出迤邐徧身汗徹卽差 常有人病反胃經三年不差消瘦殆盡用藥一服汗出如膠腥穢不可近當日更不復吐遂差又小兒諸吐量大

小與藥一字至三四字冷水下吐立定此散極浮難調須先滴少水以指緩緩研殺稍增湯調和若傾入湯酒盡浮泛不可服又烏頭煮散吳茱萸散皆治反胃惟田季散有陰陽理勝于二方今載于後但性差熱更量臟腑寒溫用之

吳茱萸散方 治胃氣虛冷不能飲食食已卽吐

酸水

吳茱萸湯洗七次炒 乾薑炮製二兩

右擣羅爲散空心熱酒下三錢

烏頭煮散方 治胃反

烏頭 三兩炮 去皮臍 檳榔 剉 木香 一兩 棟實 兩半

右搗羅為散水煎二錢入鹽一捻溫服

緩氣丸方 治陰陽氣不升降痞氣膈氣心痛腹

痛咽喉噎悶氣道不勻嘔吐痰沫飲食不下大

便秘利不定或裏急後重大腹痛不可忍此藥

養氣消痰溫中散滯

人參 白朮 紫朴 薑汁炒 訶梨勒皮 吳茱

萸 洗炒 附子 炮去皮臍兩半 桂心 阿魏 研 木香

五錢

右搗羅為末鍊蜜丸如梧桐子大熟水下三十

丸不拘時如大便閉加大黃黑牽牛各一兩

橘皮飲方 治反胃胸脇妨脹不下食

陳皮 去白炒 木香 木瓜 去瓢 薏仁 訶梨

勒 兩半煨 去核

右麤搗篩入薑五片水煎三錢空心去滓溫服

頃再服

半夏飲方 治反胃不下食食即吐逆羸瘦少力

半夏

薑汁製二兩

紫朴

薑汁炒

生薑

切兩半

陳皮

去白一兩

焙糯米二合炒

右麤擣篩薑棗水煎三錢去滓空心溫服頃再

服

雌黃丸方

治胃反嘔吐不止飲食不下

雌黃

一分研

生薑

生甘草

五錢

右為末飯丸如梧桐子大用五葉草糯米同煎

湯下四丸

半夏丸方

治胃反嘔逆不下食

半夏

洗焙

伏龍肝

一兩

枯礬

煨

鉛丹

研三分

右擣研為末薑汁煮麩糊丸如梧桐子大薑橘

湯下二三十丸

吳茱萸丸方

治年深膈氣翻胃早食晚吐生存

不化膈上常有痰涎時時嘔血胸多酸水吐清

水無時夜吐至曉日漸消瘦羸弱腹中痛楚痰

逆時復冷滑又即秘結等疾

吳茱萸

湯洗炒三分

半夏

一兩用生薑四兩取汁入水煮爛細研成膏

當歸

酒洗

人參

胡椒

甘草

五錢半生用半紙裹六七

重醋浸煨乾又白礬燒枯五錢

右搗羅爲末以半夏膏丸如梧桐子大每服用

桑柳枝各二十二莖煎湯下七九日三服忌食

諸毒發物惟可食油煎猪胰脾軟飯

茯苓飲方 治胃反吐逆發渴飲水

赤茯苓去黑皮二兩 白朮炙 甘草炙 桂心五錢

澤瀉 乾薑炒一兩

右麤搗篩水煎五錢去滓空心服日二

人參飲方 治反胃吐食

人參 虎掌三分 附子炮去皮臍 枳殼去瓢麩炒 紫朴

薑汁炒 枇杷葉去毛炙五錢

右剉如麻豆令勻入薑半分水煎五錢去滓空

心服

肉豆蔻飲方 治反胃飲食入口卽吐

肉豆蔻四枚炮去殼 高良薑 人參 白芷 赤

茯苓去黑皮 檳榔剉兩半

右麤搗篩水煎三錢入薤白三寸去滓空心溫

服頃再服

厚朴飲方 治反胃兩脇妨脹食不消化

紫朴薑汁炒 生薑切焙 檳榔三枚 陳皮浸去白焙 肉

豆蔻去殼炮 吳茱萸洗焙炒

右麤擣篩水煎三錢去滓空心溫服如人行五

里再服

陳皮湯方 治脾虛胃反食下即吐

陳皮浸去白焙 人參 澤瀉 甘草炙一兩 桂心

赤茯苓去黑皮 乾薑炮兩半 竹茹二兩半

右麤擣篩水煎四錢去滓空心溫服不拘時

通膈湯方 治胃反不下食

襯布取對陰戶者洗去鹹水焙乾燒灰 白木一兩 大黃炒五錢

檳榔煨 丁香 訶梨勒皮 木香 半夏

洗炒三分

右麤擣篩入薑三片水煎三錢去滓溫服

參朴湯方 治胃氣虛弱反胃停飲相擊發為虛

脹其氣逆上食已反出嘔吐

人參 紫朴薑汁炙 桂心 半夏洗去滑薑汁製炒二兩

白木 甘草炙 陳皮去白炒

右麤擣篩分十貼每貼入生薑半分水煎去滓空心頓服

鉛丹丸方 治久積痰壅反胃嘔逆不下食

鉛丹 半夏洗去滑 人參 山芋三分 甘草

炙 陳皮浸去白焙 乾薑炮五分

右擣羅爲末研勻湯浸蒸餅和丸如梧桐子大

人參湯下二十九

人參桂心湯方 治胃反嘔吐不止妨悶

人參 桂心 澤瀉 甘草炙三分 麥門冬去心

焙 陳皮二兩浸去白炒 半夏洗去滑薑汁製炒

右麤擣篩入生薑少許水煎五錢去滓溫服日

三不拘時

噦

論曰食入於口而聚於胃脾胃散精氣以養四旁臟腑氣和乃能埤助於中若脾胃氣虛不能傳化水穀之精與新穀相干脾胃氣逆痞滿復遇冷折之故令噦逆也

兩順煮散方 治脾胃俱虛脹滿噦逆



高良薑 一兩 木香 五錢

右搗羅為末每服水煎二錢空心和滓服不拘時勿用鐵器煎

人參湯方 治胃噦逆不止

白茯苓 去黑皮 人參 白朮 藿香 五錢 甘草

一分

右麤搗篩水煎三錢去滓溫服

羌活湯方 治風冷乘脾胃致噦不止

羌活 去蘆頭 附子 炮去皮臍 藿香子 炒五錢 木香 乾

薑 炮一分

右咬咀如麻豆水煎三錢入鹽一捻空心稍熱服日二不計時

沉香烏藥丸方 治噦逆不止不思飲食

沉香 烏藥 剉 白朮 炒 青皮 去白焙 人參

白芷 白茯苓 去黑皮 五味子 甘草 炙一兩

右搗羅為末鍊蜜丸如梧桐子大粥前薑蘓湯下十丸

小丁沉丸方 治噦逆不止不思飲食

丁香 沉香 木香 檳榔火微煨 炙甘草

白豆蔻去殼炒五錢 人參 青皮去白焙 白茯苓去黑

皮二兩 訶梨勒皮一兩 白朮土炒四兩 麝香當門子一錢

桂心 乾薑炮一分

右擣研為末合勻鍊蜜丸如彈子大炒薑鹽湯嚼下一丸不計時

水銀膏方 治諸般噦逆

水銀不結砂子 硫黃細研 太陰元精石各一兩研

右共和勻研極細用米醋五升文武火熬成膏

磁盒收貯旋丸如梧桐子大每服艾湯下七丸不拘時

草豆蔻湯方 治脾胃俱虛噦逆上氣

草豆蔻去皮 木香 甘草炙 高良薑 陳

皮去白炒 益智仁 縮砂蜜去殼炒 乾薑炮一兩

右麤擣篩入生薑二片水煎三錢去滓溫服不計時

理中散方 治胃中風冷腹脹噦逆不思食

乾薑炮 人參 白朮 紫朴薑汁炙 陳皮一兩

去白 草撥 吳茱萸 炒 甘草 炙 檳榔 五 錢

右擣羅為散入薑三片水煎二錢食前服

乾薑丸方 治脾胃俱虛內挾風冷噦逆上氣

乾薑 炮兩 附子 炮去皮 胡椒 桂心 五 錢

右擣羅為末鍊蜜丸如梧桐子大空心飲下二十九丸如嘔噦冷沫濃煎薑橘皮湯下

枇杷葉湯方 治噦逆不止飲食不入

枇杷葉 去毛炙 陳皮 去白炒 甘草 炙三 兩

右麤擣篩入薑棗小許水煎三錢去滓稍熱服

不計時

白朮湯方 治胃氣受冷氣逆奔冲嘔噦不定


白朮 剉 甘草 炙 莎草根 炒一兩 草豆蔻 去 皮

炒五枚 陳麴 炒香 大麥蘖 炒 乾薑 炮五 錢

右麤擣篩入薑三片棗二枚水煎三錢去滓熱服不拘時

三聖散方 治噦逆不止

丁香 四十枚 胡椒 十四粒 半夏 大者七枚 薑汁洗



右搗羅為散大人薑湯下一字 小兒筋頭蘸薑汁點藥口中立愈至甚不過三服

生薑散方 治胃中有寒氣逆嘔噦

草豆蔻 去皮麩裏煨 熟去麩二兩 甘草 炙四兩

右搗為麩末以去皮生薑半斤切片與藥末同搗成餅焙乾再搗羅為散每服點鹽湯下一錢不拘時

草豆蔻散方 治胃寒氣逆嘔噦不止

草豆蔻 去皮煨 八兩 生薑 和皮切 一斤 甘草 炙四兩 陳皮

去白炒 一兩

右勻和入砂鍋內用水過藥三指許慢熬令水盡焙乾搗為散每服沸湯下一錢夏月熱冷水服

附子煮散方 治嘔噦不止

附子 大者一枚 訶梨勒 二十一枚

右同用蛤粉炒令附子裂去皮臍尖訶梨勒去核為細散每服水煎二錢和滓溫服

厚朴煮散方 治噦逆惡心氣不下降

紫朴去麤皮 藿香葉 半夏二兩三味用生薑八兩切作末同淹

一宿焙乾 陳皮去白炒 甘草生一兩

右擣羅為散入薑三片水煎三錢去滓溫服

神効方 治胃口冷噦逆不止

大棗一枚去核

右入胡椒七粒濕紙包煨熟紙襯地上出火毒

空心細嚼溫酒送下以粥投之取效為度

降氣丸方 治噦逆惡心氣不下降降陽氣於下

使陰氣上升升降無礙陰陽調適飲食運化諸

疾不生

牽牛子二十兩炒熟取麪十兩 補骨脂 萆澄茄十兩

木香四兩 檳榔煨 赤茯苓去皮二兩

右擣羅為末水煮熟麪糊丸梧桐子大米飲下五

十九不計時

丁香湯方 治胃冷噦逆不思食

丁香 甘草炙 陳麪炒五錢 木香炮三分 草豆

蔻去皮 陳皮去白炒一兩

右麤擣篩入生薑五片水煎三錢去滓熱服不

拘時

石蓮丸方 治胃寒噦逆

石蓮肉 去心炒 附子 炮去皮臍 乾薑 炮

右擣羅為末陳粟米粥糊丸如菜豆大川椒湯下一二十九噦逆止勿再服以差為度

噫醋

論曰上焦有雷飲脾胃挾宿寒致飲食滯於膈腕不能傳化令人腹滿氣逆所以噫醋也

半夏丸方 治上焦冷氣噫醋吞酸吐沫嘔逆不

思飲食

半夏 薑汁製二兩 丁香 五錢 乾薑 炒一分

右擣羅為末薑汁煮麩糊丸如梧桐子大空心

煎木瓜鹽湯下十五丸

木香平氣丸方 治心胸有痰噫醋吞酸

木香 沉香 丁香 丹砂 別研 肉豆蔻仁

麝香 別研五錢 檳榔 麩裏煨熟去麩不用 紫朴 薑汁炙 乳香

用薑汁同煮軟另研如膏 桂心 一兩 半夏 二兩湯浸杵末以薑和作餅子

焙乾再杵為細末

右將木香等七味擣羅爲末次入丹砂麝香乳香半夏用薑汁煮倉米糊丸如梧桐子大食後米飲下二十九

半夏丸方 治上膈痰滯吞酸吐沫涕唾稠黏胸膈不利

半夏薑汁擣作餅礬石飛過山芋一兩

右擣羅爲末用麩糊爲丸如梧桐子大食後臨臥薑湯下二十九

香丸方 治噫醋息臭胸中有痰

丁香炒 萆撥各研末 硃砂五錢沸湯化研

內頓乾

右同研令勻用新黃蠟二兩化開入末攪勻丸如梧桐子大以丹砂一分研爲衣煎湯下三九空心夜臥各一服逐日加一丸至五丸後三日加一丸至七丸止

藿香半夏丸方 治胸膈有痰脾胃積冷噫醋吞酸不思飲食

藿香葉一分 半夏五兩薑汁浸焙 丁香五錢

右擣羅爲末麩糊和丸如梧桐子大每服薑湯下十五丸不拘時

和胃丸方 治噫醋惡心痰飲嘔逆不思飲食

陳皮去白炒 訶梨勒炮去核四兩 人參 枳殼去瓢炒

青皮浸去白焙 京三稜醋炒三兩 赤茯苓 乾薑炮三分

炙鼈甲 白朮 陳麴 半夏洗去滑 大麥蘖

炒 紫朴薑汁炒 桂心二兩 芍藥 甘草炙一兩

川歸酒洗 檳榔剉一兩半

右擣羅爲末鍊蜜丸如小豆大空心沸湯微嚼

二十九漸加至三十丸不拘時候此丸老幼皆可服

丁香煮散方 治噫醋吞酸不欲飲食

丁香 乾薑炮五錢 人參 白朮 白芷 赤

茯苓去黑皮 桔梗炒 半夏生薑作麩焙 甘草炙 桂

心一兩 檳榔剉 高良薑 肉豆蔻一分去殼

右擣羅爲散入生薑三片棗二枚水煎三錢去滓食前溫服

丁香丸方 治胃寒痰飲噫醋吞酸胸膈妨悶



丁香 附子炮去皮臍 丹砂研 杏仁去皮尖炒 母

丁香 吳茱萸洗炒 麝香研 硫黃研 白

礬飛過 乾薑炮一兩

右擣羅為末用巴豆三十枚去皮心膜淨另研

為膏去八分油與前末另研拌勻用蒸大棗肉

去皮核擣丸如梧桐子大空心薑湯下三五丸

不拘時

京三稜丸方 治噫醋吞酸或時惡心消積進飲

食

京三稜煨擣末 白朮二兩 半夏洗去滑四兩 丁

香 丹砂研五錢 檳榔剉一兩 麝香研一分

右擣羅為末用生薑自然汁煮麩糊和丸如梧

桐子大生薑木香湯下二三十九不拘時

薑棗丸方 治胃寒痰逆噫醋吞酸胸膈不利不

思飲食

生薑切片焙乾四兩 附子炮去皮臍 丁香一兩

右擣羅為末蒸大棗取肉擣和丸如梧桐子大

空心米飲下二十九不拘時

磨滯丸方 治破停飲溫胃府消宿穀去陳寒升  
降氣脉分別清濁氣虛津液枯乾大便虛秘者  
最宜服之

木香 青皮去白 桂心一兩 吳茱萸炒洗二兩  
砂醋熬取一錢 巴霜五分

右共末醋煮麩糊為丸如棗豆大溫熟水下七  
丸至十九臥服

丁香丸方 治食飲不化噫氣吞酸  
丁香 人參 五味子 半夏洗去滑五錢 甘草

炙 琥珀研 乾薑炮一分 桂心 枳殼去穢炒  
裨布洗去鹹水 訶勒皮三分

右搗羅為末鍊蜜丸如梧桐子大空心煎薑橘  
湯下二十丸

丁香散方 治脾胃虛弱噫氣吞酸飲食遲化  
丁香 人參 附子炮去皮臍 白朮陳土炒 縮砂蜜

陳皮去白炒 乾薑炮三分 桂心 檳榔剉 高  
良薑 白豆蔻去皮 陳麴炒香五錢 甘草炙一分 木



右擣羅爲散炒薑鹽湯下二錢不拘時

乾薑湯方 治胃冷常吐清水及醋心

乾薑炮 礬石燒研  
一兩

右擣研爲末以飯丸如梧桐子大葱茶下二十

丸食後服

助氣丸方 治調養脾胃溫暖中焦滋助和氣思

美飲食升降陰陽蠲去寒濕內消停飲補益

諸虛動氣癖結久而不去牽連腹脇蘊蘊而

痛飲食多傷一切諸證最宜常服

京三稜炮 蓬莪茂二斤 白朮 陳橘皮

青橘皮去白 枳殼去瓢 檳榔 木香十兩

右擣羅爲末薑汁糊丸如梧桐子大飲下五十

丸薑湯亦可不計時

胃寒腸熱

論曰病有腹脹而泄者爲胃寒腸熱胃受寒則氣  
收不行而爲脹滿腸客熱則水穀不聚而爲泄注  
病本濁寒之氣在上清熱之氣在下故爲腹脹而  
且泄也

訶梨勒湯方 治胃寒腸熱腹脹滿悶泄瀉不止

訶勒皮 兩半 青皮 去白焙 大黃 炒 陳皮 去白焙

紫朴 薑汁炙 高良薑 炮 枳殼 炒五錢 防風 甘

草 一分 乾薑 炮一分

右用薑棗水煎三錢服

香橘丸方 治胃寒腸熱腹脹泄利

丁香皮 六錢 木香 青皮 陳皮 縮砂蜜

京三稜 煨 桂心 蓬莪茂 五錢 烏梅肉

炒二分 礞砂 飛一分 巴豆 二十一枚同烏梅搗爛

右搗羅為末鍊蜜丸如梧桐子大薑橘湯下十

丸

當歸黃連湯方 治胃寒腸熱腹脹泄利

當歸 川連 二兩 木香 紫朴 薑汁炒 訶梨勒

吳茱萸 洗炒 赤茯苓 一兩

右搗羅為末鍊蜜丸如梧桐子大米飲下三十

丸日二

大腹木香湯方 治胃寒腸熱腹脹洩瀉

大腹皮 木香 半夏 薑汁炒二兩 白朮 白芷

陳皮去白炒 桂心 枳殼去白 前胡一兩 川

歸 柴胡 旋覆花 元胡索 白芍 炙

甘草五錢 人參 乾薑二兩

右以薑棗水煎三錢空心稍熱服

和胃丸方 治胃寒腸熱腹脹洩利

半夏薑汁製 牽牛子炒五錢 人參 礬蝴蝶 藿

香五錢 生薑切片焙一兩 丁香一錢

右先將半夏牽牛生薑用水慢煮乾與人參等

共末用薑汁糊丸如梧桐子大飲下二十九

調氣養胃丸方 治胃寒腸熱腹脹洩利

半夏三兩 人參 桂心 肉豆蔻五錢 高良

薑 訶梨勒煨取皮 木香 陳皮 棗肉一兩

生薑取自然汁一盞入蜜棗熬成膏

右為末入膏丸如梧桐子大米飲下十丸薑湯

亦可

紫朴丸方 治胃寒腸熱腹脹洩利

紫朴薑汁炒兩半 附子 龍骨 川連 白石脂

訶梨勒 吳茱萸洗炒 乾薑一兩

右爲末醋浸炊餅丸如梧桐子大空心三十九  
米飲亦可

妙應丸方 治胃寒腸熱腹脹泄利

烏頭炮去皮  
臍五錢 梔子仁 乾薑一分

右爲末薑取自然汁和丸如梧桐子空心酒下  
七九日二

胃熱腸寒

論曰腸胃相通疾病相連人因飲食不節寒溫失  
宜致腸胃受邪有冷有熱病證俱見者則善飢小  
腹痛脹爲胃熱腸寒之病胃熱則消穀故善飢腸  
寒則血凝脈急故小腹痛又寒則氣聚故痛而且  
脹也

芍藥丸方 治胃熱腸寒善飢小腹痛脹

白芍藥 人參 赤茯苓 紫朴二兩 木香

陳皮 桔梗炒 桂心一兩

右共爲末鍊蜜丸如梧桐子大空心飲下二十  
九日二

立通丸方 治胃熱腸寒善食數飢小腹痛

川連 青皮 木香 京三稜 蓬莪茂一兩

巴霜一分

右共為末麪糊丸如菜豆大米飲下五丸

沉香散方 治胃熱腸寒食已善飢小腹痛脹

沉香 山芋 白檀香 烏藥 炙甘草

京三稜炒 白茯苓 前胡 桔梗炒一人

參二兩

右共為末沸湯入鹽下一錢

地黃湯方 治胃熱腸寒善飢小腹痛脹

熟地黃 人參 白茯苓 地骨皮 甘草

枇杷葉去毛炙 麥門冬 石斛 黃耆炙二兩

右用水煎三錢空心服

調中湯方 治胃熱腸寒善飢小腹痛脹

人參 白茯苓十兩 甘草炙 紫河車炙二兩

右以水煎三錢空心服

京三稜煎丸方 治胃熱腸寒食已復飢少腹痛

脹

京三稜三兩杵末取二兩 礶砂一兩飛過同稜末米醋熬成膏 乾漆

炒令烟 盡三分 桂心 檳榔分三 大黃 鼈甲 炙

五靈脂 錢五 馬蘭花 沒藥分一 木香 沉

香 川歸 酒洗 五錢 蓬莪茂 兩一

右研為末入膏擣丸如梧桐子大溫酒下七丸

分氣黃耆湯方 治胃熱腸寒食已復飢小腹痛

滿痛

黃耆 蜜炙 人參 白朮 京三稜 白茯苓

一兩 陳皮 去白 訶梨勒 川芎 麥門冬

桔梗 炒五錢 炙甘草 白芍藥分三 牡丹皮

柴胡 前胡 錢五

右入薑棗少許水煎三錢服

前胡木香湯方 治胃熱腸寒食已如飢小腹痛

痛

前胡 木香 秦艽 藁香子 兩一 檳榔 三枚

煨 肉豆蔻 三枚 炒 桂心 柴胡 兩一 川芎 甜

葶歷 炒 炙甘草 青皮 去白 炒 五錢

右入生薑大棗少許水煎四錢溫服

麥冬湯方 治胃熱腸寒食已如飢小腹痛脹



麥門冬 炙甘草二兩 白朮 羌活 白茯苓

苓 旋復花 人參 升麻 桑白皮 白

芍藥 元參 當歸酒洗 柴胡一兩 胡黃連

一分 木香五錢 熟地黃兩半

右共擣麤末入薑棗少許水煎三錢入甘草一寸空心服日二

半夏湯方 治胃熱腸寒冷熱不勻善食數飢小腹脹痛

半夏湯炮薑汁製 人參 麥門冬 白茯苓 桔

梗 青皮去白炒 白芷 柴胡 防風 前胡

細辛 款冬花 紫苑一兩 枳殼去瓢炒

紫朴去麤皮薑汁炒兩半

右共擣麤末入生薑大棗少許水煎三錢空心溫服日二

皇極經世一編

卷四十一

三

燕逸堂

